

PROGRAMMA,
^{QVO}
 RECTOR
 UNIVERSITATIS ROSTOCHIENSIS,
 BERNHARDUS
 Barnstorff/
 Med. D. P. P. & Poliater,
 AD SPECTANDUM
 IN CORONA SPINEA
 JESUM,

Illudque S. Bernhardi: *Pudeat sub Capite
 spinis coronato, membra deliciari, probè confideran-
 dum; atq; adeo, cane pejus & angve, fugienda
 Bacchanaliorum turpia,*

Cives Academicos officij ratione seriò hortatur.



Typis JOH. WEPPLINGII, Acad. Rostoch. Typogr.



Prostrate & Spectate Regem Salomonem cum coronâ,
quâ coronavit Eum mater ejus, die sponsalio-
rum ejus, die lætitiæ cordis ejus. Hisce verbis
ex *Cant. c. 3.* depromtis, Christum abs Syna-
gogâ, Novercâ suâ, militum improborum
intercedente ministerio, spinis coronan-
dum (juxta expositionem non-nullorum)
significantibus, & ad spectaculum planè
novum avidis oculis usurpandum invitantibus, compellendas
hoc potissimum tempore pias animas esse, existimo. Redimus
scilicet nunc in memoriam dolorosissimæ Christi Passionis, cu-
jus anniversariam publicam commemorationem, devotamque
meditationem, hoc ipsum tempus abs Christianorum pietate
jure suo poscit. Prodeamus ergo & nos, atque hâc quidem
vice coronatum attentis intueamur animis Salvatorem, Cu-
jus, diademate è sentibus & paliuris contexto cinguntur tem-
pora. Severis omnino proludiis, ad necem, crucis candidati
parabantur, ut si ullibi, hic sanè quàm maximè obtinuerit illud
non-nullius dictum: *Ad mortem preparari gravius est quàm mori.*
Non aliter, si non acerbius quàm pro more & crudelius, quod
facile credas, odium plus quam Vatinianum hostium ejus per-
pendens, cum Christo actum, qui tot expositus injuriis, lu-
dibriique generibus, tot subjectus sævitæ experimentis est,
ut nihil ignominia & doloribus Ejus, augmenti loco adjici
potuisse putemus. Ad diversa igitur primùm tribunalia per-
tractus, flagellisque diris modis jam cæsus, spinis sanctissi-
mum caput innectitur. Spinis, inquam, ita enim Evangelista
Matt. C. 21. v. 29 καὶ πλέξαντες σέφαιον ἐξ ἀκανθῶν. Jun-
cum marinum, quem Græci ὀξύχοινον vocant, coronæ huic
præbuisse materiam, quod multi volunt, vel ea propter verosi-
mile haut est, quod (teste *Casaubono*) nullæ junci species, vel
Theophrasto, vel *Plinio*, aliisvè probatis scriptoribus memo-
rentur, in quorum descriptione, spinarum in iisdem observata-
rum vel vestigia deprehendas. In vitilibus aliàs verbum πλέκειν
quod ter in eâ historiâ Evangelistæ adhibent, potissimum ha-
bere locum, ad quæ juncus est accommodatissimus, non infi-
ciamur



58700(38)

ciamur, de aliis tamen id pariter adhiberi rebus; pro nexu quoque & texturâ quâ frondes complicari solent (conf. Exod. C. 28, 14. ubi LXX. hâc voce utuntur) haut ignoramus. Ee rahmno quidem, quod veprium genus, plenum maculis, ericio simile, frequens esse in Palæstinâ dicitur constitisse hanc coronâ *Levini Lemnii, Cælii Rhodigini*, pluriumque aliorum sententia est. Quod tamen ex sublestæ fidei fragmentis ejus, quæ in sacello sacro Parisiis, in Hispania in cœnobio de Spinâ, in Belgio Lovanii asservantur, spinis Palæstinæ memoratis haut absimilibus, more non nullorum colligere superstitiosum duco. Quærant ex hujuscemodi, robur argumentis suis, credulitatiq; fulcra parent illi, qui imposturis, superstitiosisque figmentis calculum addere, fidemque adhibere consueverunt. Nos, spinis tricisque talibus implicari, religione Christianâ, sanâque ratione indignum censemus, neque certi quid statui hic posse putamus, cum etiam curiosius hæc talia indagasse, parum aut nihil referat. Sufficere ergo cum *B. Gerbardo* putamus, scire, coronam Christi fuisse spineam, & quidem graviter aculeis suis venerabile caput sauciantem & cruentantem: huic enim fini, juxta contumeliam exinde Ei quærendam eligebatur, contorquebatur, capitique talis aptabatur. Certatum nimirum inter dolorem & ludificationem est, ut, majorne fuerit cruciatus dumosi hujus diadematis, an ignominia & ludibrium, haut frustra ambigas. Honoris & ornatûs ergo idhibitæ olim coronas esse gentibus, vel ex *Plinio* satis superque constat, qui N. H. lib. 21. C. 3. de honore coronarum apud antiquos, pluribus disserit, Deorumque honorem eas fuisse, ut & larium publicorum privatorumque asserit. De patriâ vel Republicâ fortitudine & bellandi peritiâ, benè meritorum virtuti dicatas esse, triumphales, obsidionales, civicas, murales, navales, castrenses, *Gellius* aliique docent. Quò *Claudiani* elegantissima illa in Consulatu Olybrii & Probi, spectant:

Sæpe duces meritis bello tribuere coronas.

Hunc cingit muralis honos, hunc civica querens

Nexuit, hunc domitis ambit rostrata carinis.

Regiorum præprimis Capitum ornamentum extitisse olim

etiam easdem, ipsa pagina sacra plus vice simplici docet. Hic autem, utut ignorantes & irridentes, coronatum Christum, Regem fateantur maleferiati, Isque talis, vel ab ipsis nescientibus demonstretur; deliberatâ tamen voluntate, inverso coronæ officio, quod honorem & gloriam aliàs spectare haut ignorabant, illusionis gratiâ scientes agunt, quicquid agunt: ut nempe deridendum propinent, contumeliis, sannis, exhibitionibus exponant, jam satis afflictum, ne quid ignominiae deesset. Ægerrimè quondam Philo tulit, quod Flaccus Alexandriæ Præses dissimularit, Judæorum Regem Agrippam à plebeculâ & pueris, quamvis absentem irrideri. Adornabatur in hunc ritum ludificatio illa. Carabas, homo quidam stultus per vias oberrans, in domû quendam ab illis vipertrahebatur. Huic coronâ chartaceam imponebant, proq; scepro fragmentum arundinis ejus dextræ inferebant. Hunc ludicrum Regem loco spectabili statuebant, dominumque salutabant. Quam injuriâ indignissimè Philo tulit, nimirum Cæsaris amicum, à Romano senatu honoratum, adeo procaciter derideri. Quàm verò multò & in immensum major fuit injuria, cum Regem cœli sic irriderent milites Romani, applauderentque Pontifices Hebræi? Si gravis despiciatus fuit, Agrippæ simulacrum haberi deridiculo; quantus quæso erit, non Cæsaris amicum, sed DEI Filium irrisu tam fœdo ludificare, ignominiis tam cruentis appetere, & ut mancipium abjectissimum habere? Verùm hîc improbitati omnia, nemine prohibente licent. Quantum verò simul exinde dolorem perceperit dulcissimus Servator, quando coronam hanc tot aculeis horridam horrendamque, terrearû chirothecarum ministerio milites intorquebant, nudoque capiti, cui velut clavis transfadactis affixa firmiter hæreret, intrudebant, æstimari facile potest. Numerat *Vincentius*, spinas septuaginta duas, alii plures, quibus totidem effecta vulnera. *Pindarus* art. 33. pass. alleg. *Gerardo* in Harm. Evang. h. l. in corona illa 77. fuisse sentes tradit, quarum quælibet habuerit tres acies, quæ Christo mille vulnera fecerint. Sed incertæ ac dubiæ hæ sunt conjecturæ, eodem censu habendæ cum revelationibus de coronationis acerbitate. s. *Brigitte* abs Virgine
DEI

DEI parâ factis, quæ lib. 4. Rev. C. 7. sic loquens introducitur: *Tunc corona spinea capiti ejus arctissimè imposita fuit, quæ ad medium frontis descendebat, plurimis rivis sanguinis ex aculeis infixis decurrentibus per faciem ejus, Scrinis, oculos ac barbam replentibus, ut quasi mihi nil nisi sanguis totum videretur; nec ipse me adstantem cruci videre potuit, nisi sanguine expresso per ciliorum compressionem.* Fieri tamen potuisse, ut vultum talem ostenderit Jesus, non inficiamur, compluresque ex his spinis, quarum numerum satis magnum fuisse non dubitamus, loco uno cutem subiisse altero emeruisse & ita venis nervisque trajectis, undiquaque sanguinis rivulos largiter effluxisse, credibile utique est. Indeque simul patet, acutissimos Christum sensisse dolores. Nos ex unius spinæ puncturâ gravissimè afficimur: quantò igitur gravius ac acerbius tot aculeis lancinatum doluisse Servatorem putes? O ergo lachrymabile & perlucentissimum, O verè magnum spectaculum! Dux Israël Mosès, cum eminus rubum cerneret inflammatum, nec flammis tamen consumptum, *vadam inquit, & videbo visionem magnam.* Hic longè major visio est, cum Deus carne vestitus, sputis, irrisibus, ludibriis, flagellis deturpatus, textile dumetum capite præfert, idque totum cruentum, totque vulneribus saucium exhibet. O eamus ergo & videamus, eoque majori alacritate, ad spectandum in coronâ Jesum nostrum eamus, quo certiores scimus, coronam hanc pro peccatis nostris esse satisfactoriam. Laudent gentiles coronas suas, quas diximus, triumphales, civicas, murales aliasque; nos in hac expiatoriâ gloriabimur unicè, jureque meritissimo. Propter peccatum primis Parentibus nostris dictum fuit: *Spinæ & tribulos tibi germinabit terra.* Hæc sententia Numinis decretoria in divino hocce capite ad oculos patet. Germinavit certè terra diversas spinarum segetes, ex quibus manipulum Christus capite deferendum suscepit; qui tamen simul maledictionem omnem & spinas peccatorum nostrorum sustulit. Abrahamus, filium mactaturus, videt post tergum arietem inter vepres hærentem cornibus, quem assumens offert holocaustum pro filio. Christus orbiculari vepre to implicatus, aræ crucis impositus est, in victimam, pro omni humanâ

X 3

gente,

gente; sed nulla pro eo succedanea fuit hostia, nullus in vicem illius aries substitutus, Ipsemet Isaacus hic spinosum gestans sertum immolatus est. Audiamus *Tertullianum* lib. de coronâ militis, sub finem: *Christus Jesus*, inquit, quale, oro te, sertum pro utroque sexu obicit? ex spinis, opinor & tribulis in figuram delictorum, quæ protulit nobis terra carnis, abstulit autem virtus crucis, omnes aculeos mortis in Domini corporis tolerantia obtundens. Certè præter figuram concumelia in promptu est, & turpitudine & dedecoratio, & his implexa sevitia, quæ tunc Domini tempora & fœdarunt, & lancinaverunt. Consona his sunt *Hieronymi* sequentia: In coronâ spinâ maledictum solvit antiquum. Victimas olim coronatas esse, ut & Deorum honori sacrificantes homines, testatur *Plinius* N. H. lib. 16. c. 4. *Lystrenses*, Paulo & Barnabæ sacrificaturi, tauros & coronas, uti vetus *Interpres* reddidit, offerebant, *Act.* c. 14. v. 12. Christus pro nobis immolandus, gloriæque Patris sui cœlestis litaturus, jam jamque ad crudelem aram trahendus, coronatus pariter, spinis tamen, procedit Servos etiam sub coronâ antiquitus esse venditos *Gellius* lib. 7. c. 4. testatur. De quo more *Festus* quoque apud *Rosin.* *Antiquit.* lib. 10. c. 12. Sub coronâ, inquit, venire dicuntur, quia captivi coronati solent venire. Sanè Servator meritissimus servi formam pariter assumpsit, teste Apostolo, statque sub spinoso sertum, venditur captivus, ut captivos liberet: venit enim eò in mundum consiliò, ut serviret, animamque suam redemptionis pretium daret pro multis. Exinde profecto copiosissimum in nos redundat solatium. Projiciendi eramus in ignem infernalem, ad similitudinem spinarum excindi & comburi solitarum; Ille vero spinas nostras i. e. peccata suscepit & pertulit, flammaque infernali inextinguibili nos eripuit. Spinis coronari voluit, ut coronam nobis acquireret, justitiæ, vitæ & gloriæ immarcessibilem. Sub hujus etiam senticeti umbrâ tutissimi semper quiescere, irruente calamitatum malorumque nimbo, languentemque recreare animum possumus. Ad sequelam tamen etiam Sui, coronatus ita Jesus nosmet invitat ac incitat. Attondetur in coronam, rasa Monachorum cohors, in memoriam infandi hujus cruciatûs & ignominie Christi. Magnâ veneratio-

ne læsser-

vantur colunturque in papatu coronæ hujus reliquiæ. Lau-
datur urbis Parisiensis præsul ille, qui Regi Galliarum Ludovi-
co, sacra hæc lipsana, Lutetiam deferenti, nudis pedibus oculis-
que humentibus factus est obvius. His tamen similibusque,
debitus coronæ Christi, Ipsique coronato haut præstatur honor:
quippe, qui non pietate simulatâ, externaque devotionis spe-
cie, minimè veò spinarum supposititiarum cultu delectatur.
Humilitate mentis verâ, rectius eidem nos commendabimus.
Quæ laudabiliter se exerebat quandam in Godefrido Bullionio
Lotharingiæ duce, qui anno Christi millesimo nonagesimo
nono, ipso parasceves die Hierosolymam victor recepit, toti-
usque exercitus consensu Rex proclamatus est, coronari ta-
men auro non sustinuit, ubi DEI filius spinis esset coronatus.
Prævit nos humilitate suâ Salvator, de quo eleganter Au-
gustinus: *Superbum mundam, non atrocitate pugnandi, sed pa-
tiendi humilitate vincebat, portans spineam coronam, & purpu-
reum vestimentum, non clarus imperio, sed plenus opprobrio.*
Suscipiamus porro crucis ærumnarumque spinas, haud inviti
& obtorto collo eò quò necessario eundem trahendi, nec
cum animi fugâ & molestiâ, qui per multas tribulationes ad
regnum Cœlorum contendendum esse haut ignoramus. Am-
pla & plana ad inferos via est, rosisque sparsa, sed terret ex-
itus, spinis horridus. Sequamur ergo, quam Caput nostrum
monstrat viam, & sic ibimus tutissimi. Refert de Catha-
rinâ Senensi *Cornel. à Lap.* in Matth. c. 27. quod huic duas
coronas, unam spineam, gemmeam alteram obtulerit Chri-
stus, datâ eligendi optione, utram mallet, hæc tamen lege,
ut, si unam eligeret in hac vitâ, alteram ejus vice reciperet
in futurâ. Mox illa arripiens spineam de manu Christi co-
ronam, capiti suo infixit. Relinquimus suo loco relationem
hanc, id tamen pro certo habemus, consultius esse nobis, cum
ponè Christum crucem quisque suam bajulamur, afflictioni-
busque variis exercemur, quàm si mundi hujus capiamur de-
litiis, terrenisque pascamur voluptatibus. Domatur eâ ratio-
ne caro cum concupiscentiis suis, ne frenum mordeat, jugumque
Christi petulanter excutiat. Quantum opere ergo dedeceat Chri-
stianum

flammâ abdomini servire, luxuq; diffuere, valere iussâ sobrietate ac
 temperantiâ, hoc præprimis tempore, satis hinc patescere au-
 tumo. Meritoque S. Bernhardi verba illa, quæ in fronte spi-
 cio Programmatis comparent, hic repetenda duco: *Pudeat*
sub Capite spinis coronato, membra esse delicata. Solent ni-
 mirum sequentes hebdomadis hujus dies, Sathanæ instinctu,
 comessationibus, helluationibus, boatibus nocturnis, aliis-
 que infandis modis, turpiter teri. Annon hoc Christiano no-
 mine indignissimum? judicet, cui mens adhuc sana in corpore
 sano est. Potando meruisse coronam auream abs Dionysio,
 Xenocratem Philosophum, *Athenæus* memorat, quo ipso tur-
 pem nomini suo aspersit ille maculam. Multos hunc habi-
 turum fore imitatores crediderim, si comessando ac-
 quiri aurea dona possent, cum tot reperiantur hodie, qui cum
 facultatum suarum, sanitatisque tam corporis quam animi
 dispendio, cyathos benè repletos evacuare egregiè valent, Libe-
 roque Patri plusquam libris tribuunt. Pessimè sanè audiunt
 merito suo S. Spiritui, lurcones tales, Qui illis Væ temporale
 simul ac æternū acclamat Es. c. 5. *Vae fortibus ad potandum vinum,*
& Arenis ad miscendum potum inebriantem. Quæ verba opti-
 mè expressit B. Lutherus h. modo: wehe denen / so Helden sind
 Wein zu sauffen. Vobis ergo cives dilectissimi, aliter sit subducta
 vivendi hoc potissimum tempore ratio. Ite-
 rum dico, *Pudeat sub Capite spinis coronato,*
membra deliciari.

P. P. Sub Sigillo Rector.
 Ipsâ Domin. Quinquagesimæ,
 A. MDCXCII.

